

立賣杜盡斷根契字人馬芝保福興庄陳狄青婦施氏，仝子老亦、老萍，暨姪老傳。有承祖遺下本庄南畔旱園壹坵。東至車路小路；西至車路小路；南至黃宅園；北至陳宅園樹招爲界。四至界址明白。年配納業主龔大租谷貳斗五升正。此業道光拾玖年氏舅翁在日立契與黃魁觀，咸豐捌年黃魁轉典與施俊傑觀。氏因子幼乏需，愿將此業找洗盡根。先盡問夫族房親及先後典主，不欲承受，外託中引就與鹿港林清標觀出首承買。三面言議賣出來盡斷根契價銀壹佰叁拾伍大員，庫平玖拾肆兩伍錢足正。其銀即日全中交收足訖，其園立即踏明界址起耕，交付銀主前去掌管招佃耕種。氏自此壹賣千休，刈籐永斷，任聽銀主栽種樹木，或爲陽居，或爲陰宅，爲池爲廁。氏仝子以及日後子孫不得異言阻擋生端，亦不得言及找贖滋事。保此園係氏承舅翁祖遺業，與房親人等無干，亦無重張典掛他人財物不明等情。如有不明，氏仝子出首抵當，不干銀主之事。口恐無憑，合立賣杜盡斷根契字壹紙，贖回黃施典契貳紙，共參紙，付執爲炤。

即日，全中交收契字內來銀壹佰參拾伍大員，庫平玖拾肆兩伍錢完足，再炤。一批明：上手大契并連別業，黃施契內均無繳帶此據。

再批明：內註將字一字。再炤。



爲中人 林平(中)

蘇山(花押)

黃瞰(花押)

黃世(花押)

知見人

陳仕滋(花押)

鐘仕九(花押)

光緒拾捌年拾月 日

立賣杜盡斷根契字人

陳老亦(花押)

陳施氏(花押)

陳老萍(花押)

陳老傳(花押)

代筆人

林振通(正)